

VENDIM

Nr. 933, datë 29.12.2014

PËR MIRATIMIN E STRUKTURËS ORGANIZATIVE TË QENDRËS KOMBËTARE TË URGJENCËS MJEKËSORE

Në mbështetje të nenit 100 të Kushtetutës dhe të pikës 2, të nenit 7, të ligjit nr. 147/2014, "Për shërbimin e urgjencës mjekësore", me propozimin e ministrit të Shëndetësisë, Këshilli i Ministrave

VENDOSI:

1. Qendra Kombëtare Urgjencës Mjekësore (QKUM) është person juridik, publik dhe buxhetor, në varësi të Ministrisë së Shëndetësisë, e cila organizohet sipas strukturës së përcaktuar në lidhjen nr. 1 dhe organigramës, bashkëlidhur këtij vendimi.

2. Qendra Kombëtare Urgjencës Mjekësore (QKUM) është institucioni përgjegjës për zhvillimin e sistemit të shërbimit të urgjencës mjekësore nëpërmjet planifikimit, drejtimit, pjesëmarrjes dhe bashkërendimit të të gjitha aseteve ekzistuese, në një sistem mbarështetëror të unifikuar, si dhe për bashkërendimin e veprimtarisë me sistemet e ngjashme të vendeve fqinje.

Përgjegjësitë e Qendrës Kombëtare të Urgjencës Mjekësore (QKUM) përcaktohen, më hollësisht, në ligjin nr. 147/2014, "Për urgjencën mjekësore".

3. Pjesë të Qendrës Kombëtare të Urgjencës Mjekësore (QKUM) janë "Njësia e Koordinimit të Urgjencave Mjekësore" dhe "Njësia e Transportit Mjekësor me Helikopter".

4. Njësia e Koordinimit të Urgjencave Mjekësore ka për detyrë bashkërendimin e komunikimit të gjithë sistemit të komandë- kontrollit të urgjencave mjekësore. Shërbimi I ofruar nga Njësia e Koordinimit të Urgjencave Mjekësore mund të ofrohet edhe nga operatorë privatë, sipas legjislacionit në fuqi për koncesionet dhe partneritetin publik privat.

5. Marrëdhëniet e punës së personelit të Qendrës Kombëtare të Urgjencës Mjekësore (QKUM) rregullohen sipas dispozitave të ligjit nr. 7961, datë 12.7.1995, "Kodi i Punës në Republikën e Shqipërisë", të ndryshuar. Personeli i sektorit të administratës përzgjidhet nga drejtori i qendrës. Personelin e sektorit mjekësor, të njësisë së transportit mjekësor me helikopter dhe të njësisë së koordinimit të urgjencave mjekësore përzgjedh ministri i Shëndetësisë, në bazë të konkurrimit të hapur publik, mbështetur në kërkesat e vendit të punës.

6. Qendra Kombëtare Urgjencës Mjekësore (QKUM) drejtohet nga drejtori i qendrës, i cili emërohet dhe lirohet nga ministri i Shëndetësisë. Ministri i Shëndetësisë përcakton, me udhëzim, kriteret dhe procedurën e përzgjedhjes së drejtorit të QKUM-së.

7. Detyrat dhe përgjegjësitë e drejtorit të QKUM-së janë:

a) Drejtimi dhe bashkërendimi i detyrave të punonjësve, me qëllim përmbushjen me sukses të rolit të QKUM-së;

b) Bashkërendimi dhe kontrolli i veprimtarive të trajnimit, si për personelin mjekësor ashtu edhe për paramedikalët dhe publikun e gjerë, të cilat organizohen nga vetë QKUM-ja, apo edhe nga organizata të tjera, me qëllimin e vetëm përgatitjen e mjaftueshme të tyre për të dhënë, në mënyrë cilësore, ndihmën mjekësore;

c) Menaxhimi i fondeve buxhetore dhe fondeve të tjera të krijuara, sipas legjislacionit në fuqi për funksionimin normal të QKUM-së;

ç) Miratimi i rregullores së brendshme të funksionimit të Qendrës Kombëtare të Urgjencës Mjekësore (QKUM);

d) Bashkëpunimi i ngushtë me institucione të ndryshme dhe organizata që operojnë në fushën e urgjencës mjekësore, brenda dhe jashtë vendit, në mbështetje të procesit të trajnimit dhe certifikimit të personelit apo publikut, në fushën e urgjencës mjekësore;

dh) Përfaqësimi i QKUM-së në marrëdhënie me të tretët.

8. Pranë Qendrës Kombëtare të Urgjencës Mjekësore (QKUM) organizohet dhe funksionon edhe Këshilli Konsultues, si organ konsultativ i drejtorit të QKUM-së, i përbërë nga specialistë të fushës.

9. Ngarkohet Ministria e Shëndetësisë për zbatimin e këtij vendimi.

Ky vendim hyn në fuqi pas botimit në Fletoren Zyrtare.

KRYEMINISTRI

Edi Rama

Lidhja nr. 1 STRUKTURA E QENDRËS KOMBËTARE TË URGJENCËS MJEKËSORE

Drejtoria 1

Drejtori 1

Sekretare

Sektori i Administratës 1

Shef sektori 1

Specialist IT Programues 1

Specialist jurist 2

Sanitare 1

Shofer

Sektori i financës

Shef finance 1

Specialist i financës 2

Sektori mjekësor

Shef sektori 1

Specialist i trajnimit të vazhdueshëm 2

Specialist për supervizimin e ambulancave 1

Specialist i kontrollit të cilësisë 1

Specialist i parandalimit dhe edukimit të publikut 1

Specialist i akreditimit dhe certifikimit 2

Specialist i kërkimit shkencor, zhvillimit dhe regjistrimit të traumës 3

Njësia e koordinimit të urgjencave mjekësore

Shef sektori 1

Specialist i edukimit dhe mbikëqyrjes 3

Specialist për marrjen e thirrjeve 14

Specialist të vlerësimit të rastit 7

Njësia e transportit mjekësor me helikopter

Kryepilot 1

Pilot 5

Teknik helikopteri 3

Teknik elektrik 1

Teknik i përgjithshëm 1

Gjithsej 58 persona